

# COMUNU DE ARRIORA

Provìntzia de Aristanis

C.A.P. 09070 - Bia de Umberto I n. 16 - tel. 0783.410219 facs: 0783.411176 - P.I.: 00070490958

Posta eletrònica: servizisociali\_riola@yahoo.it

## Àrea Sòtziu Assistenziali e Culturali Servìtzius Sotzialis

### AVISU PÙBLICU

#### PO ASSINNAI BONUS ÌDRICUS INTEGRATIVUS PO IS IMPITADORIS DE SU SERVÌTZIU ÌDRICU INTEGRAU

**Bida** sa Delìbera n. 35 de su 12 de onniasantu de su 2020 su Comitau Istitutzionali de Àmbitu at aprovau su “Regulamentu po poni in pràtica is **BONUS Sotzialis Ìdricus Integrativus po s’annu 2020 in s’àmbitu territoriali regionali in gestioni a Abbanoa SpA**”

**Bida** sa detèrmina de su Servìtziu Sòtziu Assistenziali e Culturali de su Comuni de Arriora n. 178 de su 23.11.2020, cun chi at fatu suu su regulamentu de asuba, at aprovau su mòdulu de dimanda e s’avisu pùblicu.

### FAIT SCIRI

Ca ant abertu is tèrminis po intregai is dimandas po lograi is agevolamentus economicus comenti a arrembursus tarifàrius, su chi ddi narant “**Bonus Sotzialis Ìdricu Integrativu**”.

**Is dimandas si depint intregai a s’Ufìtziu Protocolu de su Comunu de Arriora aintru de sa dii ùrtima de su 30.12.2020.**

Si podint amiti a intregai dimanda is titularis de frunidura de su Servìtziu Ìdricu Integrau chi, a sa data de publicatzioni de custu bandu, tenint custus rechisius:

- s’arrispetu de su lìmiti ISEE chi non depit sartai su lìmiti de 20.000,00 èurus;
- residèntzia de su chi fait rechesta in su puntu de frunidura chi ddui est in bulleta o chi portat a cussu;
- sa natura residenziali de sa frunidura inditada in bulleta (tarifa Domèsticu Residenti);
- su de fai parti de su sugetu a su nùcleu familiari ISEE de s’intestatàriu de sa frunidura (candu est impitu deretu) o comenti si siat de s unùcleu agevolau inguni residenti (candu est impitu inderetu).
  - sa residèntzia anagràfica de s’intestatàriu de su cuntratu de frunidura ìdrica depit torrai paris cun s’indiritzu de sa frunidura de su cuntratu etotu;
  - su nominativu e su còdixi fiscali de s’intestatàriu de su cuntratu de frunidura ìdrica depit torrai paris cun su nominativu de unu de is chi faint parti de su nùcleu ISEE;
  - un’ inditadori ISEE ORDINÀRIU chi non sartat su lìmiti de 20.000,00 èurus;

**S’importu de s’agevolamentu at a essi paris a € 25,00 a cadaunu de is chi faint parti de su nùcleu familiari cun inditadori ISEE asuta de su lìmiti de € 9.000,00 e € 20,00 a cadaunu de is faint parti de su nùcleu familiari cun un’inditadori ISEE chi movit de € 9.000,00 finas a su lìmiti de € 20.000,00. A sa dimanda tocat de ddi auniri:**

- documentu de identidadi bàllidu de su chi fait rechesta;

- una bulleta chi arremonat s'impitu domèsticu residenti po chi si pedit su bonu;
- còpia de s'atestazioni ISEE ORDINÀRIU bàllidu a sa data de intregu de sa dimanda.

Sa modulistica e su regulamentu po assinnai is BONUS Sotzialis Ìdricus Integrativus po is impitus SII funt a disponimentu in su giassu istituzionali: [www.comune.riolasardo.or.it](http://www.comune.riolasardo.or.it). Fait a ndi pigai còpia a paperi de su mòdulu de dimanda in sa Biblioteca Comunali apustis de s'essi annotaus innantis a su n.0783/410919.

Po ndi sciri de prus tocat a cuntatai a s'Ufitziu Servìtzius Sotzialis a su nùmeru 0783/410219 Int. 2.

**F.au Sa Responsàbili de su Servìtziu**  
Ass.Sotz. D.ssa Maria Eleonora Marongiu